


Atq; Lari suavis, Plutus, vestro vsq; sit hospes,
Hygēa verò propriam
Sedem conciliet sibi, sedem vbicunq; locare
Vos, ipsa, vestram viderit.
His subscribe DEVS, cui cuncta obnoxia parent,
Supraq; vota coniuges
Prosperitate bea, voti genetricibus, vt sit
Hoc matrimonium, pijs
Ceu mensura, suæ proli benè quando precantur,
Exemplar & sit optimi
Coniugij cunctis, in quo longo ordine natos
Nepotulorum posteros
Lætantur vegetos vegeti numerare parentes
Concorsq; crescit caritas.
Crescit amor, crescunt in quantum pignora lecti,
Et familiæ fidè suum.
Expediunt munus, diffundit largaq; cornu
Opes referto copia.

*M. Casparus Caspari F. Iunger-
man Lipsiensis, I. V. Candidatus.*



PASCVA DIETRICO digito Venus aurea monstrat,
Nomen ab euentu nobile ritè ferant.
ANGVLVS & ceruam quam post carecta latentem
Offert, plus oculis curatq; amatq; suis.
Sit felix hæc præda precor, colophona laborum,
Cæteraq; adijciat commoda quæq; dies.

*M. Ambrosius Bardenstein An-
næbergensis, Scholæ Lips. ad
D. Thomæ collega.*